

## **Koje su isprave potrebne za osnivanje d.o.o.?**

Svi privredni subjekti su dužni u roku od 60 dana od dana upisa u sudski registar dostaviti Statut društva koji je potvrđen od strane notara.

Svi privredni subjekti sud dužni u roku od 30 dana prijaviti sudskom registru sve promjene koje su nastale za subjekt upisa.

## **Osnivanje društva ograničene odgovornosti**

Za osnivanje društva ograničene odgovornosti za upis u sudski registar potrebno je dostaviti slijedeće:

- Popunjen **obrazac prijave za registraciju** sa svim podacima koji su predloženi ovim obrascem (obrazac prijave se može dobiti u sudu).
- **Ovjeren OP obrazac** (obrazac potpisa) od strane nadležnog organa za ovjeru potpisa (u ovaj obrazac se deponuje potpis direktora, isti je priložen uz prijavu za registraciju).
- **Osnivački akt društva** (Odluka o osnivanju ako jedno lice osniva društvo, a ako 2 ili više lica osniva društvo onda Ugovor o osnivanju, notarski obrađen).
- **Potvrda banke** o izvršenoj uplati kapitala u novcu.
- Ako se u kapital društva unose **stvari i prava** dostaviti nalaz ovlaštenog sudskog vještaka određene struke, ovisno o tome o kakvim se stvarima radi.
  - Ako se unose nekretnine u temeljni kapital potrebno dostaviti izvod iz zemljišnih knjiga
  - Ako se unose vozila u temeljni kapital dostaviti ovjerene fotokopije saobraćajnih dozvola.
  - Za ostale stvari dostaviti, ako se vode, izvode iz odgovarajućih registara
- Odluka o imenovanju lica ovlaštenih za zastupanje, ukoliko nije imenovan osnivačkim aktom. Za osnivača/osnivače društva ograničene odgovornosti:
  - Fizička lica: - za državljane BiH – fotokopija lične karte,
    - uvjerenje o prebivalištu u BiH (ne starije od 30 dana),
    - za strane državljane – fotokopija pasoša sa prevodom od strane ovlaštenog sudskog tumača.
  - Pravna lica - izvod iz registra kod kojeg se registruje pravno lice, sa prevodom od strane ovlaštenog sudskog tumača.
- **Za podnosioca prijave:**
  - Kopija lične karte, putne isprave ili odgovarajuću prijavu od nadležnog organa unutrašnjih poslova kojom se utvrđuje identitet.
- **Za direktora društva:**
  - Kopija lične karte, putne isprave ili odgovarajuću prijavu od nadležnog organa unutrašnjih poslova kojom se utvrđuje identitet.
  - Dokaz o uplati sudske takse u iznosu od 415,00 KM, uplatom na transakcijski račun kantona u svrhu sudske takse.
  - Troškovi objave rješenja u Službenim novinama F BiH u iznosu od 150 KM, na transakcijski račun Službenih novina F BiH.

Prijava za upis u sudski registar podnositi samo na NOVIM OBRASCIMA propisanim u Pravilniku o tehničkoj upotrebi glavne knjige registra u elektronskom obliku za registraciju subjekata u BiH (Sl.novine F BiH 42/07).

Po prijemu prijave **odmah se obavezno provjerava:**

- identitet podnosioca prijave
- isključivost firme subjekta registracije
- uplata takse

Podnosilac prijave može biti:

- osnivač
- lice ovlašteno osnivačkim aktom
- lice ovlašteno generalnom ili specijalnom punomoći
- na osnovu drugog pravnog posla

Podnosiocu prijave sud provjerava identitet u momentu prijema prijave na osnovu:

- lične karte
- putne isprave
- odgovarajućom prijavom nadležnih organa unutrašnjih poslova

**Službenik koji vši prijem je dužan utvrditi identitet podnosioca prijave i to konstatovati na prijavi.**

1. CIPS za direktora ne stariji od 30 dana
2. Uvjerenje Uprave za indirektno oporezivanje za osnivača (kod osnivanja društva)

### **Upis promjene podataka od značaja za pravni promet**

#### Promjena firme

- Popunjen **obrazac prijave za registraciju** sa svim podacima koji su predviđeni ovim obrascem (obrazac prijave se može dobiti u sudu).
- **Odluka o promjeni firme društva**, notarski obrađen.
- Dokaz o uplati **sudske takse** u iznosu od 75,00 KM, uplatom na transakcijski račun kantona u svrhu sudske takse.
- Troškovi **objave rješenja u Službenim novinama F BiH** u iznosu od 30,00 KM, na transakcijski račun Služenih novina F BiH.
- Uvjerenje Registra novčanih kazni za društvo (općinski sudovi prema sjedištu subjekta upisa)

#### Promjena sjedišta subjekta upisa

- **Popunjen obrazac prijave za registraciju** sa svim podacima koji su predviđeni ovim obrascem (obrazac prijave se može dobiti u sudu).
- **Odluka o promjeni sjedišta** društva, notarski obrađena.
- Dokaz o uplati sudske takse u iznosu od 75,00 KM, uplatom na transakcijski račun kantona u svrhu sudske takse.
- Troškovi **objave rješenja u Službenim novinama F BiH** u iznosu od 30,00 KM, na transakcijski račun Služenih novina F BiH.
- Uvjerenje Registra novčanih kazni ( općinski sudovi prema sjedištu subjekta upisa.

### Promjena djelatnosti

- Popunjen **obrazac prijave za registraciju** sa svim podacima koji su predviđeni ovim obrascem (obrazac prijave se može dobiti u sudu).
- **Odluka o promjeni djelatnosti društva**, notarski obrađena.
- Dokaz o uplati **sudske takse** u iznosu od 75,00 KM, uplatom na transakcijski račun kantona u svrhu sudske takse.
- Troškovi **objave rješenja u Službenim novinama F BiH** u iznosu od 50,00 KM, na transakcijski račun Službenih novina F BiH
- Uvjerenje Registra novčanih kazni za društvo (općinski sudovi prema sjedištu subjekta upisa)

### Promjena lica ovlaštenih za zastupanje

- Popunjen **obrazac prijave za registraciju** sa svim podacima koji su predviđeni ovim obrascem (obrazac prijave se može dobiti u sudu).
- **Odluka nadležnog organa** subjekta upisa kojom je jedno lice razriješeno, odnosno kojom tom licu prestaje pravo zastupanja, a drugo lice imenovano odnosno ovlašteno za zastupanje, kao i obim ovlaštenja tog lica, **notarski obrađena**.
- **Ovjeren OP obrazac** (obrazac potpisa) od strane nadležnog organa za ovjeru potpisa (u ovaj obrazac se deponuje potpis direktora, isti je priložen uz prijavu za registraciju).
- Dokaz o uplati **sudske takse** u iznosu od 75,00 KM, uplatom na transakcijski račun kantona u svrhu sudske takse.
- Troškovi **objave rješenja u Službenim novinama F BiH** u iznosu od 30,00 KM, na transakcijski račun Službenih novina F BiH.
- Uvjerenje Registra novčanih kazni za novoimenovanog direktora
- Kopija lične karte za novoimenovanog direktora i uvjerenje o prebivalištu ne starije od 30 dana radi utvrđenja činjenica koje se upisuju u sudski registar
- Uvjerenje Registra novčanih kazni za društvo (općinski sudovi prema sjedištu subjekta upisa)

### Promjena osnivača odnosno članova subjekta

- Popunjen **obrazac prijave za registraciju** sa svim podacima koji su predviđeni ovim obrascem (obrazac prijave se može dobiti u sudu).
- Dokaz o uplati **sudske takse** u iznosu od 75,00 KM, uplatom na transakcijski račun kantona u svrhu sudske takse.
- Troškovi **objave rješenja u Službenim novinama F BiH** u iznosu od 30,00 KM, na transakcijski račun Službenih novina F BiH.
- Odluka ili ugovor o pristupanju novog člana ili ugovor o prijenosu udjela
- Za novog člana društva uvjerenje o nadležene poreske uprave o stanju obaveza po osnovu direktnih poreza

- Za novog člana društva uvjerenje Uprave za indirektno oporezivanje BiH o stanju obaveza po osnovu indirektnih poreza
- Kopija lične karte za novoimenovanog direktora i uvjerenje o prebivalištu ne starije od 30 dana radi utvrđenja činjenica koje se upisuju u sudski registar
- Uvjerenje Registra novčanih kazni za novog člana društva

**NAPOMENA: Sud može radi utvrđenja činjenica tražiti od podnositelja prijave dopunu prijave dostavom drugim dokumenata i isprava, kako bi se mogao izvršiti upis koji se traži prijavom, kao i u drugim slučajevima propisanim zakonom**

# **DRUŠTVO SA OGRANIČENOM ODGOVORNOŠĆU**

## **I - OPĆE ODREDBE**

### 1. Pojam

#### **Član 309.**

Društvo s ograničenom odgovornošću je društvo čiji je osnovni kapital podijeljen na udjele.

Za obaveze društva s ograničenom odgovornošću član društva odgovara svojim udjelom.

Udjeli osnivača društva s ograničenom odgovornošću mogu biti različiti, a svaki osnivač može steći samo jedan udio.

#### **Član 310.**

Odredbe ovog zakona o dioničkom društvu primjenjuju se na društvo s ograničenom odgovornošću, ako posebnim odredbama ovog zakona nije drugačije određeno.

U društvu s ograničenom odgovornošću koje nema nadzorni odbor njegova ovlastenja vrše Članovi društva.

### 2. Osnivački akt

#### **Član 311.**

Društvo s ograničenom odgovornošću osniva se ugovorom u pismenoj formi koji zaključuju osnivači, čiji potpisi se ovjeravaju u skladu sa zakonom.

Kada društvo s ograničenom odgovornošću osniva samo jedan osnivač, Osnivački akt je odluka o osnivanju.

#### **Član 312.**

Ugovor iz Člana 311. stav 1. ovog zakona može potpisati punomoćnik osnivača na osnovu punomoći koja se prilaze ugovoru, a kojom je punomoćnik izricito ovlasten za taj posao i na kojoj je potpis vlastodavca ovjeren zakonom.

#### **Član 313.**

Osnivački akt društva s ograničenom odgovornošću obavezno sadrži:

- 1) ime i prezime i adresu prebivalista ili firmu i sjedište osnivača;
- 2) firmu, sjedište i djelatnost društva;
- 3) iznos osnovnog kapitala društva, iznos uloga u novcu, opis i vrijednost uloga u stvarima i pravima, broj i visina udjela Članova;
- 4) prava i obaveze Članova društva;
- 5) postupak u slučaju kada neko od osnivača ne uplati svoj ulog do ugovorenog roka ili ne ispuni drugu obavezu;

6) način izmirenja troškova osnivanja društva;

7) imenovanje lica ovlaštenih za vođenje poslovanja i zastupanje društva i prijavu za upis osnivanja društva u sudski registar;

8) posljedice neuspjelog osnivanja;

9) posebnu odredbu ako se društvo osniva na određeno vrijeme.

3. Osnovni kapital

#### **Član 314.**

Osnovni kapital društva s ograničenom odgovornošću s više osnivača iznosi najmanje 10.000 (deset hiljada) KM, a s jednim osnivačem najmanje 2.000 (dvije hiljade) KM, ako drugim zakonom nije određeno drugačije.

Vrijednost pojedinacnog uloga ne može biti manja od 2.000 (dvije hiljade) KM.

Ulozi u novcu ne mogu zajedno biti manji od iznosa iz stava 1. ovog Člana.

Ulozi u stvarima i pravima moraju biti u cijelosti uneseni u društvo do dana podnošenja prijave za upis osnivanja društva u sudski registar, tako da društvo može njima trajno i slobodno raspolagati.

Do dana podnošenja prijave za upis osnivanja društva u sudski registar mora biti uplacena najmanje polovina uloga u novcu, ali ne manje od iznosa iz stava 1. ovog Člana.

#### **Član 315.**

Osnivačkim aktom može se odrediti i obaveza Člana da u korist društva izvrši određenu činidbu čija vrijednost se može novčano izraziti.

U slučaju iz stava 1. ovog Člana, Osnivačkim aktom se moraju odrediti vrsta, sadržaj i rok činidbe, kriteriji za određivanje njene vrijednosti i ugovorna kazna do visine vrijednosti činidbe, za slučaj neispunjenja ili neurednog ispunjenja činidbe.

#### **Član 316.**

Troškove osnivanja društva snose osnivači srazmjerno svojim udjelima, ako ugovorom nije određeno drugačije.

Troškovi osnivanja ne mogu biti plaćeni iz osnovnog kapitala, niti se mogu kao ulog pripisati osnovnom kapitalu.

4. Statut

#### **Član 317.**

Društvo s ograničenom odgovornošću ima statut.

Statut društva donose osnivači, u roku određenom Osnivačkim aktom, koji ne može biti duži od 60 dana od dana upisa osnivanja društva u sudski registar.

Statutom društva obavezno se uređuje:

1) firma i sjedište;

2) djelatnost;

- 3) iznos osnovnog kapitala i visina udjela svakog Člana;
  - 4) vođenje poslovanja i zastupanje društva;
  - 5) način utvrđivanja i diobe dobiti i pokriva gubitka;
  - 6) prava i obaveze Članova;
  - 7) organizacija društva;
  - 8) upravljanje i način donošenja odluka, sastav, način imenovanja i razrješenja, ovlastenja i odgovornosti organa društva, ako se formiraju;
  - 9) način informiranja Članova o poslovanju društva i vođenja knjige udjela;
  - 10) način promjene visine osnovnog kapitala;
  - 11) način pristupanja društvu i prestanka Članstva u društvu;
  - 12) prestanak društva;
  - 13) postupak izmjena i dopuna statuta.
5. Upis u sudski registar

#### **Član 318.**

Uz prijavu za upis osnivanja društva s ograničenom odgovornošću u sudski registar prilazu se u izvorniku ili ovjerenom prepisu:

- 1) Osnivački akt;
- 2) dokaz o izvršenoj uplati uloga u novcu;
- 3) izvještaj o procjeni vrijednosti i isprave o unosu uloga u stvarima i pravima;
- 4) spisak sa licnim podacima Članova uprave i nadzornog odbora, ako se on imenuje, sa njihovim izjavama o prihvatanju dužnosti.

### II - PRAVA I OBAVEZE ČLANOVA

#### 1. Uplata uloga

#### **Član 319.**

Član društva dužan je u roku i na način određen Osnivačkim aktom, statutom i odlukama skupštine društva izvršiti uplatu uloga.

Obaveza iz stava 1. ovog Člana ne može se prebiti sa bilo kojim potraživanjem Člana prema društvu ili drugim Članovima društva, niti se ulog može povući samovoljno.

Član društva koji je kao ulog unio stvari ili prava ne može na njima pridržati nikakvo pravo niti društvu nametnuti ograničenja.

Društvo ne može uplatu uloga odgoditi, ne može Člana osloboditi obaveze uplate, niti na ime uplate uloga primiti nešto drugo osim onoga što je ugovoreno.

### **Član 320.**

Član društva koji ne izvrši uplatu uloga u ugovorenom roku dužan je platiti zateznu kamatu određenu ugovorom, i naknaditi društvu i drugim članovima štetu koju pretrpe usljed njegove docnje.

Uprava društva će člana koji obavezu uplate uloga nije izvršio 60 dana po isteku ugovorenog roka pismeno obavijestiti da je isključen iz društva.

Isključeni član društva gubi sva prava iz udjela i davanja učinjenih na ime uloga, ali ostaje obavezan izvršiti uplatu uloga u cijelosti, zatezних kamata i naknade štete po osnovu neblagovremene uplate.

Društvo može putem suda tražiti ispunjenje obaveze člana društva.

### **Član 321.**

Udio isključenog člana uprava društva može izložiti prodaji ako ga, uz saglasnost isključenog člana, ne otkupi jedan ili više članova društva.

Iz prihoda od prodaje udjela, umanjenog za troškove prodaje udjela, zatezne kamate i naknade štete zbog zadocnjenja i zaostalih uplata uloga, društvo isplaćuje isključenog člana, do iznosa izvršenih uplata.

2. Odgovornost članova i prethodnika

### **Član 322.**

Za iznos koji isključeni član nije uplatio na ime uloga, sa zateznom kamatom zbog zadocnjenja, društvu odgovaraju i prethodnici isključenog člana koji su u knjigu udjela bili upisani kao članovi društva u toku posljednje tri godine prije upucivanja poziva za uplatu isključenom članu.

Društvo će preporučenom posiljkom uputiti neposrednom prethodniku isključenog člana poziv na uplatu u roku od najviše 30 dana, i istovremeno o tom pozivu i roku na isti način obavijestiti ranije prethodnike, koji odgovaraju ukoliko njihovi sljednici na izvrše uplatu.

Prethodnik koji plati zaostali iznos stice udio isključenog člana ako taj udio nije prodat odnosno unovčen u skladu sa odredbama člana 321. ovog zakona.

### **Član 323.**

Uprava društva može po svom izboru provesti prvo postupak iz člana 318., a zatim iz člana 321. ovog zakona ili obrnuto, bez obzira da li je isključeni član tužen, a odgovornost prethodnika smanjuje se za iznos ostvaren prodajom udjela ili tužbom protiv isključenog člana.

Ukoliko udio nije naplaćen u cijelosti postupkom iz stava 1. ovog člana, ili ni jedan od tih postupaka nije pokrenut u roku od šest mjeseci od dana isključenja, razliku do pune vrijednosti udjela isključenog člana dužni su platiti ostali članovi društva u međusobnom srazmjeru njihovih udjela, izuzevši člana koji je udio stekao u skladu sa odredbama člana 320. ovog zakona.

Iznos koji se u slučaju iz stava 2. ovog člana ne može naplatiti od pojedinih članova, naplatit će se od ostalih članova u međusobnom srazmjeru njihovih udjela.

Ako u slučaju iz stava 2. ovog člana udio nije prethodno prodat, članovi društva sticu pravo na dio dobiti i dio imovine preostale po likvidaciji koji pripada pokrivenom udjelu, srazmjerno ucescu u pokricu iznosa do pune vrijednosti udjela.

#### **Član 324.**

Za iznos neplacenog dijela uloga koji je potreban za namirenje stecajnih povjerilaca, i bez prethodno provedenih postupaka iz cl. 320. i 321. ovog zakona, odgovaraju solidarno Članovi društva u stečaju i prethodnici ciji su sljednici u toku posljednje dvije godine prije otvaranja i u toku stečaja bili uredno prijavljeni za upis u knjigu udjela, uz pravo međusobnog regresa za dio izvršene uplate koji prelazi srazmjerno pripadajući iznos obaveze.

Ukoliko se postupak iz cl. 319. do 322. provodi radi izmirenja neblagovremene uplate povećanja osnovnog kapitala, ne odgovaraju oni prethodnici koji su glasali protiv odluke o povećanju osnovnog kapitala ili u vrijeme njenog donosenja nisu bili Članovi društva.

#### 3. Udjeli

#### **Član 325.**

Udio Člana društva je srazmjeran ucescu njegovog uloga u osnovnom kapitalu.

Svaki Član društva ima jedan udio.

Udio Člana društva se povećava kad uplati novi ulog ili stekne udio drugog Člana.

Kada Član društva stekne udio drugog Člana, prava trećih lica i posebna prava ili obaveze Člana vezane za raniji ili naknadno steceni udio ne obuhvataju ostatak udjela.

#### **Član 326.**

Uprava društva dužna je voditi knjigu udjela na način kojim se osigurava tačna i potpuna evidencija o Članovima društva i njihovim udjelima.

Uprava društva dužna je, najkasnije osam dana od dana upisa osnivanja društva u sudski registar, uspostaviti knjigu udjela u koju obavezno unosi:

- 1) ime i prezime ili firmu i adresu prebivalista ili sjedista Članova društva,
- 2) vrstu i iznos ugovorenog uloga i uplaceni iznos,
- 3) posebna prava i obaveze vezani za udio.

Punovazan je svaki akt savjesne treće osobe koji je zasnovan na pouzdanju u tačnost upisa u knjigu udjela.

#### **Član 327.**

Uprava društva dužna je odmah upisati svaku izmjenu podataka upisanih u knjigu udjela.

Uprava društva dužna je prijaviti za upis u sudski registar promjene u knjizi udjela.

Uprava društva dužna je svake godine podnijeti sudskom registru spisak Članova društva sa visinom njihovih ugovorenih i uplacenih uloga, najkasnije 30 dana po isteku zakonom utvrdjenog roka za sacinjavanje godišnjeg obracuna.

#### 4. Prenos udjela

#### **Član 328.**

Udjeli u društvu su prenosivi.

Prenos udjela vrši se pismenim ugovorom i nasljedivanjem.

Udjeli za koje je vezana ugovorena obaveza dodatne cinidbe ni u kom slučaju ne mogu se prenijeti bez izricite pismene saglasnosti društva.

#### **Član 329.**

Članovi društva imaju pravo prece kupnje udjela.

Član društva koji prodaje udio dužan je u pismenoj formi preko uprave društva obavijestiti ostale članove o cijeni i drugim uslovima prodaje.

Ako niko od članova u pismenoj formi preko uprave društva ne prihvati ponudu za kupnju, ili izjavi interes a posao ne bude zaključen, u roku od 30 dana, član može svoj udio prodati trećim licima pod uslovima koji ne mogu biti povoljniji od ponude iz stava 2. ovog člana.

Kada više članova društva izjavi interes za kupnju, a ne postignu sporazum ko će preuzeti udio ili u kojim omjerima će više njih preuzeti udio, ili saglasno izjave da se ne žele međusobno nadmetati u pogledu cijene, udio će otkupiti tako što će ga podijeliti srazmjerno međusobnom odnosu njihovih uplacenih uloga.

Članovi društva imaju pravo prece kupnje i kada se udio prodaje u izvršnom postupku.

#### **Član 330.**

Član društva ili društvo može tužbom kod suda zahtijevati dozvolu prenosa udjela ako društvo odbije dati saglasnost za prenos udjela članu koji je ulog u cijelosti uplatio, ili član koji je udio ponudio na prodaju bez opravdanog razloga odbije prenijeti udio na lice koje mu društvo imenuje.

Kada sud donese odluku kojom dozvoljava prodaju udjela, društvo ima pravo u roku od 30 dana od dana dostavljanja odluke obavijestiti člana da dopušta da, uz iste uslove, dopušta prodaju drugom licu koje je te uslove prihvatilo.

#### **Član 331.**

Kada se udio za čiji prenos je potrebna saglasnost društva prodaje u izvršenju ili stečaju, sud je dužan procijeniti udio i obavijestiti društvo, povjeriće koji su dobili dozvolu prinudnog izvršenja putem suda i lica kojima prema knjizi udjela pripada neko stvarno pravo na tom udjelu.

Udio će se prodati po odredbama zakona o izvršenju ili zakona o stečaju bez saglasnosti društva, ako drugi član društva ili treće lice koje društvo prihvata ne preuzme udio po isteku 15 dana od dana kada je društvo obavijesteno za ponudjenu cijenu koja dostiže procjenu suda ili visu cijenu preuzimanja.

#### **Član 332.**

Ako su više lica vlasnici jednog udjela, zajednicki ostvaruju prava i solidarno odgovaraju za obaveze koji se odnose na taj udio.

Ako vlasnici udjela ne odrede zajednickog zastupnika, pravne radnje poduzete od strane društva prema jednom od njih djeluju prema svima.

#### **Član 333.**

Nasljedjivanje udjela ne može se ograniciti.

#### **Član 334.**

Udio u društvu može se dijeliti na idealne dijelove i tako prenositi u slučaju naslijeđivanja i prenosa na druge Članove društva i drugim slučajevima izricito utvrdjenim ugovorom ili statutom, uz pismenu saglasnost društva, ali ne prije isteka jedne godine od dana upisa osnivanja društva u sudski registar.

#### **Član 335.**

Prijenos i prijelaz udjela proizvodi pravni učinak prema društvu od trenutka upisa u knjigu udjela.

Ako nije upisan u knjigu udjela, prenos i prijelaz udjela proizvodi pravni učinak prema društvu od dana zaključivanja pravnog posla ili pravosnažnosti odluke o naslijeđivanju.

#### 5. Sticanje i zalog vlastitih udjela

#### **Član 336.**

Društvo može steci vlastiti udio koji je u cijelosti uplaćen.

Društvo ne može sticati vlastite udjele na teret osnovnog kapitala.

#### **Član 337.**

Društvo može uzeti u zalog vlastiti udio koji je u cijelosti uplaćen, ako je iznos potraživanja društva u cijelosti osiguran tim zalogom i ako ukupna vrijednost vlastitih udjela uzetih u zalog nije veća od polovine osnovnog kapitala društva.

#### 6. Dobit

#### **Član 338.**

Dobit se dijeli među Članovima društva u skladu sa visinom udjela, ako drugačije nije ugovoreno.

#### **Član 339.**

Povrat iznosa isplaćenog Članu društva na ime dobiti može se zahtijevati jedino kada usljed isplate dobiti društvo nije u mogućnosti ispuniti obaveze prema trećim licima, i to do iznosa potrebnog za namirenje povjerilaca.

Zahtjev za povrat isplaćene dobiti u smislu stava 1. ovog Člana zastarijeva u roku od tri godine od dana isplate.

#### 7. Istupanje i isključenje Člana

#### **Član 340.**

Ugovorom ili statutom utvrđuju se uslovi, postupak i posljedice istupanja iz društva.

Član društva ima pravo tužbom kod suda tražiti istupanje iz društva, ako su mu ostali Članovi ili organi društva prouzrokovali štetu ili je spriječen da ispunjava svoje obaveze, ili mu društvo nameće nesrazmjerne obaveze.

#### **Član 341.**

Član može biti isključen iz društva iz razloga i u postupku koji su unaprijed određeni ugovorom ili statutom društva.

Odluka o isključenju dostavlja se Članu u pismenoj formi, uz navodjenje razloga za isključenje.

Član koji je isključen iz društva može pobijati odluku o isključenju tužbom kod suda u roku od 30 dana od dana kada mu je odluka dostavljena.

#### **Član 342.**

Istupanjem i isključenjem iz Članstva u društvu prestaju prava koja iz tog Članstva proizlaze.

Član koji je istupio i Član koji je isključen ima pravo na nadoknadu trzisne vrijednosti udjela na dan prestanka Članstva.

Ako je ulog Člana bio u obliku prava korištenja određene stvari, ona će se vratiti Članu po proteku roka određenog ugovorom ili statutom, koji ne može biti duži od tri mjeseca.

Po isteku roka iz stava 3. ovog Člana, društvo ima pravo koristiti stvar dok bivši Član ne ispuni obaveze prema društvu.

### III - UPRAVLJANJE

#### 1. Skupština društva

#### **Član 343.**

Društvo ima skupstinu, koju čine svi Članovi društva.

Ukupan iznos osnovnog kapitala društva predstavljen je u skupštini sa 100 glasova, a Član društva ima broj glasova srazmjern njegovom udjelu u osnovnom kapitalu društva.

Ugovorom ili statutom može se odrediti da se o svim ili pojedinim pitanjima odlučuje bez sazivanja skupštine, pismenim glasanjem.

U slučaju iz stava 3. ovog Člana, Članovima društva se dostavljaju pismeni prijedlozi s obrazloženjem i ostavlja rok za odgovor najmanje 15 dana, a za Člana koji se ne izjasni u pismenom obliku smatra se da je glasao protiv prijedloga.

Skupština obavezno odlučuje o godišnjem obracunu, raspodjeli dobiti i pokricu gubitka.

U društvu sa ograničenom odgovornošću sa jednim Članom, ovlastenja skupštine vrši Član društva.

#### **Član 344.**

Skupstinu društva saziva:

- 1) uprava;
- 2) Član ili Članovi čiji udjeli čine najmanje desetinu osnovnog kapitala.

Uprava je dužna sazvati skupstinu najmanje jednom godišnje, i u toku godine kada društvo ostvari gubitak veći od petine osnovnog kapitala prema posljednjem godišnjem obracunu.

Poziv za skupstinu dostavlja se preporučenom pošiljkom, najmanje 15 dana prije datuma održavanja, ako ugovorom ili statutom društva nije drugačije određeno.

U pozivu se određuje dnevni red i dostavljaju materijali za svaku tačku dnevnog reda.

Član ili Članovi društva čiji udjeli čine desetinu osnovnog kapitala imaju pravo izvršiti dopunu dnevnog reda, u roku od osam dana od dana prijema poziva za skupstinu.

#### **Član 345.**

Skupština može odlučivati ako su, lično ili putem punomoćnika, zastupljeni Članovi čiji udjeli čine polovinu osnovnog kapitala društva.

Ako nije postignut kvorum iz stava 1. ovog Člana, skupština se saziva sa istim dnevnim redom najkasnije za 15 dana od prvobitno zakazanog dana održavanja.

U slučaju iz stava 2. ovog Člana skupština može odlučivati ako su zastupljeni udjeli koji čine petinu osnovnog kapitala društva.

#### **Član 346.**

Član društva ima pravo pobijati odluku skupštine protiv koje je glasao, tužbom kod nadležnog suda u roku od 30 dana od dana donošenja odluke.

#### 2. Uprava društva

#### **Član 347.**

Poslovanje društva vodi i društvo zastupa uprava.

Upravu čine jedno ili više lica, koja ne moraju biti Članovi društva, imenovanih na način i za period utvrđen Osnivačkim aktom ili statutom društva.

Kada uprava ima više Članova, Osnivačkim aktom ili statutom se uređuju njihova ovlastenja i odgovornosti.

#### 3. Nadzor

#### **Član 348.**

Ugovorom ili statutom može se odrediti da društvo s ograničenom odgovornošću ima nadzorni odbor.

Nadzorni odbor obavezno je imati društvo koje ima više od deset Članova i društvo koje ima osnovni kapital u iznosu većem od 1,000.000 KM i najmanje dva Člana.

#### **Član 349.**

Član društva koje nema nadzorni odbor ima pravo da neposredno nadzire poslovanje društva, poslovne knjige i spise, zalihe i blagajničko poslovanje i sacini bilans društva za svoje potrebe.

#### 4. Zastita prava manjine i revizija

#### **Član 350.**

Član ili grupa Članova društva čiji udjeli čine desetinu osnovnog kapitala mogu tražiti od suda da odredi vanjskog revizora.

Sud će imenovati revizora ako predlagaci učine vjerovatnim da je učinjena ozbiljna povreda zakona, ugovora ili statuta društva.

Naknadu troškova revizije dužni su predujmiti predlagaci, ako sud ne odredi da društvo uplati predujam.

#### **Član 351.**

Član društva koji je tražio reviziju ne može u toku revizije prenijeti svoj udio bez saglasnosti društva.

#### **Član 352.**

Revizor dostavlja izvjestaj sudu.

Ako se strane drugacije ne dogovore, visinu naknade revizora određuje sud.

#### **Član 353.**

Sud može, na osnovu nalaza revizije, naložiti društvu da u određenom roku održi skupstinu koja će razmotriti izvjestaj revizora.

#### **Član 354.**

Član društva ima pravo tražiti da društvo podnese zahtjev prema Članovima uprave i nadzornog odbora za naknadu štete prouzrokovane povredom zakona, ugovora ili statuta društva.

Kada je u društvu odbijen prijedlog da se podnese zahtjev za naknadu štete prema Članovima uprave i nadzornog odbora ili ako o takvom prijedlogu nije blagovremeno odlučeno, Član društva ima pravo tužbom kod suda zahtijevati naknadu štete društvu, u roku od 90 dana od dana kada je prijedlog odbijen ili od kada je propusteno donošenje odluke.

U toku spora iz stava 1. ovog Člana, tuzitelji ne mogu bez saglasnosti društva raspolagati svojim udjelima.

### **IV - POVEĆANJE I SMANJENJE OSNOVNOG KAPITALA**

#### **1. Povećanje osnovnog kapitala**

#### **Član 355.**

Osnovni kapital povećava se na osnovu odluke skupštine društva s ograničenom odgovornošću, uplatom ili unosjenjem novih uloga.

Članovi društva imaju pravo prvenstva uplate novih uloga, u srazmjeri svojih udjela u osnovnom kapitalu, u roku od 30 dana od dana donošenja odluke o povećanju osnovnog kapitala, ako Osnivačkim aktom ili statutom nije drugacije određeno.

Lice koje pristupa društvu, potpisuje izjavu da prihvata sve obaveze i prava utvrdjene ugovorom i statutom.

#### **Član 356.**

Povećanje osnovnog kapitala iz rezervi može se vršiti ako finansijski izvjestaj i izvjestaj revizora za posljednju poslovnu godinu utvrđuje da nema nepokrivenog gubitka.

Povećanje osnovnog kapitala društva iz rezervi vrši se povećanjem nominalnih iznosa udjela.

#### **2. Smanjenje osnovnog kapitala**

#### **Član 357.**

Osnovni kapital društva može se smanjiti odlukom skupštine društva, u skladu sa ovim zakonom, Osnivačkim aktom i statutom društva, ali ne ispod iznosa iz Člana 314. ovog zakona.

#### **Član 358.**

Odluku o smanjenju osnovnog kapitala društvo je dužno dostaviti sudskom registru i objaviti u "Službenim novinama Federacije BiH".

Oglasom iz stava 1. ovog Člana, društvo obavjestava povjerioce da je spremno izmiriti obaveze ili za njih dati osiguranje.

#### **Član 359.**

Po proteku objavljenog roka za prijavu povjerilaca, podnosi se prijava za upis smanjenja osnovnog kapitala u sudski registar.

#### **Član 360.**

Isplata razlike vrijednosti udjela Članovima društva po osnovu smanjenja osnovnog kapitala može se vrsiti nakon upisa smanjenja u sudski registar.

Od dana upisa smanjenja osnovnog kapitala u sudski registar prestaju obaveze uplate preostalih neuplacenih uloga.

### V - PROMJENA OBLIKA I PRESTANAK DRUŠTVA

#### 1. Promjena oblika

#### **Član 361.**

Društvo s ograničenom odgovornošću može promijeniti oblik u dionicko društvo, na osnovu odluke skupštine donesene dvotrecinskom većinom glasova svih Članova društva.

Na osnovu odluke iz stava 1. ovog Člana, Članovi sticu dionice dionickog društva srazmjerno njihovom ucescu u osnovnom kapitalu društva s ograničenom odgovornošću.

Dionicko društvo nastalo promjenom oblika društva s ograničenom odgovornošću mora imati osnovni kapital najmanje u iznosu utvrdjenom ovim zakonom.

#### **Član 362.**

Uprava društva s ograničenom odgovornošću podnosi Komisiji zahtjev za odobrenje promjene oblika u dionicko društvo, uz koji prilaze odluku skupštine o promjeni oblika i ugovor s Registrom.

Komisija je duzna donijeti odluku najkasnije 60 dana od dana prijema zahtjeva iz stava 1. ovog Člana.

Na osnovu odluke Komisije o odobrenju promjene oblika, izvršit će se upis promjene oblika društva u sudski registar.

#### 2. Pripajanje i spajanje

#### **Član 363.**

Društvo s ograničenom odgovornošću može se spojiti s drugim društvom s ograničenom odgovornošću ili dionickim društvom ili se pripojiti jednom od njih, ali ne prije isteka dvije godine od dana upisa društva u sudski registar.

#### **Član 364.**

Imovinom spojenih društava upravljat će se posebno, tako da je u odnosu spojenih društava i odnosu prema povjeriocima odvojeno predstavljena imovina svakog od spojenih dionickih društava.

Društvo sljednik je dužno, prema sopstvenoj procjeni, tri puta, u razmacima ne kracim od 15 ni duzim od 30 dana, objaviti da napusta odvojeno upravljanje imovinom spojenih društava i pozvati povjerioce da, najkasnije šest mjeseci od treće objave, društvu sljednika prijave potraživanja nastala prije upisa spajanja u sudski registar.

Odvojeno upravljanje imovinom sojenih drustava ne smije se napustiti prije isteka roka iz stava 2. ovog Člana i ispunjavanja obaveza prema povjeriocima, koji su od društva sljednika zahtijevali isplatu ili obezbjedjenje potrazivanja.

### 3. Prestanak društva

#### **Član 365.**

Društvo s ograničenom odgovornošću prestaje, u skladu sa zakonom i statutom:

- 1) spajanjem, pripajanjem i podjelom;
- 2) odlukom skupstine;
- 3) odlukom suda; i
- 4) stečajem.

U društvu s ograničenom odgovornošću s jednim Članom odluku o prestanku donosi Član društva.

#### **Član 366.**

Odluka o prestanku društva s ograničenom odgovornošću dostavlja se registarskom sudu, najkasnije osam dana od dana donosenja.

#### **Član 367.**

Društvo s ograničenom odgovornošću prestaje odlukom suda:

- 1) po tuzbi jednog ili vise povjerilaca cija dospjela a neizmi-rena potrazivanja premasuju polovinu osnovnog kapitala društva;
- 2) ako skupstina društva nije održana osam mjeseci od isteka roka za izradu godisnjeg obracuna;
- 3) kada se i poslije izricanja kazni nastavljaju povrede zakona i drugih propisa kojim se ugrozavaju interesi povjerilaca;
- 4) kada se stečaj završi diobom stečajne imovine,
- 5) ako stečaj nije pokrenut jer imovina društva nije dovoljna za pokrivenje troškova stečajnog postupka ili se stečaj obustavi zbog nedovoljne imovine.

Odluka suda upisuje se po službenoj dužnosti u i sudski registar.

### 4. Likvidacija

#### **Član 368.**

Kada društvo s ograničenom odgovornošću prestane na osnovu odluke skupstine ili odluke suda, pokrene se postupak likvidacije.

U slučaju prestanka društva na osnovu odluke skupstine, likvidaciju provodi uprava društva, a u slučaju prestanka na osnovu odluke suda, likvidatora imenuje sud.

Likvidatora društva s ograničenom odgovornošću s jednim Članom imenuje sud.

### **Član 369.**

Od dana donosenja odluke o prestanku, organi društva s ograničenom odgovornošću rade u skladu sa odredbama zakona kojim se uređuje postupak likvidacije.

Sud može postaviti skrbnika društva, koji obavlja poslove vezane za likvidaciju, a organi društva postupaju samo po nalogu i uz saglasnost skrbnika.

### **Član 370.**

Uprava ili likvidator društva s ograničenom odgovornošću dužni su objaviti najmanje u jednom domaćem dnevnom listu da je pokrenut postupak likvidacije, tri puta od dana donosenja odluke iz Člana 368. ovog zakona, u razmacima od 15 do 30 dana.

Obavjesticom iz stava 1. ovog Člana, uprava ili likvidator društva dužni su pozvati povjerioci da prijave potraživanja, najkasnije šest mjeseci od dana posljednjeg objavljivanja.

Obavjesticom iz stava 1. ovog Člana, uprava ili likvidator društva dužni su uputiti poznatim povjericima pojedinačno.

### **Član 371.**

Likvidator je dužan, najkasnije do kraja poslovne godine u kojoj je pokrenut postupak likvidacije, sačiniti i podnijeti skupštini na odobrenje početni likvidacioni bilans.

Skupština društva s ograničenom odgovornošću dužna je istovremeno sa odobrenjem početnog likvidacionog bilansa razrijesiti nadzorni odbor i upravu.

Likvidator je dužan na kraju svake poslovne godine skupštini društva podnijeti bilans stanja i bilans uspjeha i izvještaj o toku likvidacije.

### **Član 372.**

Likvidator je dužan okončati tekuće poslove društva s ograničenom odgovornošću, naplatiti potraživanja, unovčiti ostalu imovinu i izmiriti obaveze društva.

Od Članova društva koji udjele nisu platili u cjelini, likvidator će naplatiti dio srazmjernan obavezama društva.

### **Član 373.**

Likvidator je dužan deponovati na posebnom racunu novac potreban za izmirenje:

- 1) poznatih obaveza za koje se povjerioci nisu prijavili;
- 2) obaveza koje nisu dospjele;
- 3) spornih obaveza.

Po isteku godine dana od trećeg objavljivanja obavjesticom iz Člana 370. stav 1. ovog zakona, iz imovine preostale nakon izdvajanja iznosa iz stava 1. ovog Člana, isplacuju se Članovi društva s ograničenom odgovornošću, u skladu sa Osnivačkim aktom i statutom.

Ako imovina društva nije dovoljna za isplatu punog iznosa uplacenih uloga, imovina se dijeli Članovima društva srazmjerno udjelima.

Likvidator je dužan deponovati na posebnom racunu pripadajuće iznose iz st. 2. i 3. ovog Člana koji Članovima društva nisu isplaceni.

#### **Član 374.**

Likvidator je dužan nakon provedenih radnji iz čl. 372. i 373. ovog zakona sazvati skupstinu društva s ograničenom odgovornošću i podnijeti završni obracun.

Nakon sacinjavanja završnog obracuna, likvidator je dužan podnijeti prijavu za upis prestanka društva u sudski registar.

#### **SESTI DIO:**

#### **KAZNENE ODREDBE**

#### **Član 375.**

Za privredni prijestup kaznit će se novčanom kaznom u iznosu od 10.000 do 70.000 KM Društvo koje:

- 1) obavlja djelatnost protivno odredbama Člana 7. ovog zakona;
- 2) nema stvarno sjediste prema sjedistu upisanom u sudski registar ili ne prijavi promjenu sjedista za upis u sudski registar;
- 3) ima ili koristi firmu protivno odredbama čl. 12. do 17. i čl. 20. ovog zakona;
- 4) ne prijavi za upis u sudski registar podatke i promjene podataka u skladu sa odredbama čl. 52. do 55. i čl. 58. i 59. ovog zakona;
- 5) poveća osnovni kapital protivno odredbama Člana 132. ovog zakona;
- 6) odobri ili prima uplate dionica u ratama protivno odredbama Člana 135. ili oslobodi upisnika obaveze placanja upisanih dionica protivno odredbi Člana 136. ovog zakona;
- 7) poveća osnovni kapital emisijom novih dionica protivno odredbi Člana 141. ovog zakona;
- 8) utvrdi pravo prece kupnje dionica nove emisije ili omogući sticanje dionica nove emisije po osnovu tog prava protivno odredbi Člana 146. ovog zakona;
- 9) ograniči ili oduzme pravo prece kupnje dionica nove emisije protivno odredbama čl. 149. do 151. ovog zakona;
- 10) poveća nominalnu vrijednost dionica ili emituje besplatne dionice protivno odredbama čl. 152. do 154. ovog zakona,
- 11) poveća osnovni kapital iz vlastitih sredstava protivno odredbama čl. 160. do 164. ovog zakona;
- 12) ne plati iz vlastitih sredstava razliku između cijene i nominalne vrijednosti dionica u skladu sa odredbama Člana 165. ovog zakona;
- 13) smanjenem osnovnog kapitala ugrozi izvršavanje obaveza prema povjericima, protivno odredbama Člana 169. ovog zakona;
- 14) vrsi isplate po osnovu smanjenja osnovnog kapitala ili odustane od emisije dionica čija nominalna vrijednost nije u cjelini placena, prije upisa smanjenja osnovnog kapitala u Registar emitenata, protivno odredbama Člana 171. ovog zakona;
- 15) ne obavijesti povjericu o smanjenju osnovnog kapitala, u skladu sa odredbama čl. 172. i 173. ovog zakona;
- 16) vrsi otkup dionica protivno odredbi Člana 173. stav 3. ovog zakona;

- 17) vrsi smanjenje osnovnog kapitala protivno odredbama Člana 175. ovog zakona;
- 18) ne isplati povucene dionice u roku iz Člana 178. stav 2. ovog zakona;
- 19) ne otkupi ponudjene dionice u skladu sa odredbama cl. 181. i 182. ovog zakona;
- 20) poveca osnovni kapital prije izvršenog upisa smanjenja osnovnog kapitala, protivno odredbi Člana 187. ovog zakona;
- 21) ne vrsi izdvajanje u fond rezervi u skladu sa odredbama cl. 188. i 189. ovog zakona;
- 22) koristi fond rezervi protivno odredbama Člana 190. ovog zakona;
- 23) ne vodi knjigu dionicara u skladu sa odredbama cl. 197. i 198. ovog zakona ;
- 24) dionice i privremenice emitovane umjesto ponistenih prodaje protivno odredbama Člana 203. ovog zakona;
- 25) donese odluku o isplati protivno odredbama Člana 207. stav 1. ovog zakona;
- 26) ne omoguci dionicaru ili ponumocniku uvid u isprave u skladu sa odredbama cl. 216. i 247. ovog zakona;
- 27) direktno ili indirektno upise vlastite dionice ili stekne vlastite dionice protivno odredbama cl. 225. do 227. ovog zakona;
- 28) daje ili garantira avanse, zajmove i kredite protivno odredbi Člana 237. ovog zakona;
- 29) ne cuva isprave u skladu sa odredbom Člana 254. stav 1. ovog zakona;
- 30) ima nadzorni odbor sastavljen protivno odredbama Člana 260. ovog zakona;
- 31) ne osigura odvojeno upravljanje imovinom spojenog ili pripojenog društva u skladu sa odredbom Člana 364. ovog zakona;
- 32) ne vodi knjigu udjela u skladu sa odredbama cl. 326. i 327. ovog zakona;
- 33) nema nadzorni odbor u slucajevima iz Člana 348. stav 2. ovog zakona;
- 34) ne odrzi skupstinu po nalogu suda u slucaju iz Člana 353. ovog zakona;
- 35) poveca osnovni kapital protivno odredbama Člana 356. ovog zakona,
- 36) odluku o smanjenju osnovnog kapitala ne dostavi sudskom registru ili ne objavi, u skladu sa odredbama Člana 358. ovog zakona.

#### **Član 376.**

Za privredni prijestup iz Člana 375. ovog zakona kaznit ce se i odgovorno lice u drustvu novcanom kaznom u iznosu od 1.000 do 5.000 KM.

#### **Član 377.**

Za privredni prijestup kaznit ce se novcanom kaznom u iznosu od 1.000 do 5.000 KM predsjednik i Članovi nadzornog odbora društva koji:

- 1) ne sazove skupstinu u slucaju iz Člana 193. stav I. ovog zakona;
- 2) ne prijavi nadzornom odboru kupovinu dionica nove emisije u slucaju iz Člana 214. ovog zakona;

- 3) ne obavijesti dionicare o sticanju vlastitih dionica, u skladu sa odredbama cl. 227. i 233. ovog zakona;
- 4) ne objavi obavjestenje o prijedlozima dionicara u skladu sa odredbama Član 243. ovog zakona;
- 5) ne objavi obavjestenje o ponovnom sazivanju skupstine u skladu sa odredbama Člana 245. ovog zakona;
- 6) ne sazove skupstinu radi razmatranja godisnjeg finansijskog izvjestaja, u roku iz Člana 248. stav 2. ovog zakona;
- 7) ne sazove skupstinu radi ponovnog odlucivanja u skladu sa Članom 252. ovog zakona;
- 8) postupaju protivno odredbama Člana 270. ovog zakona.

#### **Član 378.**

Za privredni prijestup kaznit ce se novcanom kaznom u iznosu od 1.000 do 5.000 KM direktor i Član uprave društva koji:

- 1) ne prijavi nadzornom odboru kupovinu dionica nove emisije u slucaju iz Člana 214. ovog zakona;
- 2) ne prijavi nadzornom odboru finansijski interes ili sudjeluje u poslovnom odnosu, protivno odredbama Člana 279. ovog zakona.
- 3) u roku ne postupi po odredbama cl. 382. i 383. ovog zakona.

#### **Član 379.**

Za privredni prijestup kaznit ce se novcanom kaznom u iznosu od 1.000 do 5.000 KM lice koje:

- 1) u drustvu osnuje ili organizuje osnivanje organizacija, ili provodi aktivnosti protivno odredbama Člana 37. ovog zakona;
- 2) kao likvidator postupa protivno odredbama cl. 75. do 77. ovog zakona.

#### **Član 380.**

Za prekršaj kaznit ce se samostalni poduzetnik/obrtnik koji ne postupi po Članu 4. ovog zakona, novcanom kaznom u iznosu od 1.000 do 5.000 KM.

### SEDMI DIO:

#### **PRIJELAZNE I ZAVRSNE ODREDBE**

#### **Član 381.**

Zakon kojim se uređuje postupak upisa drustava u sudski registar uskladit ce se sa odredbama ovog zakona u roku od 60 dana od pocetka primjene ovog zakona.

#### **Član 382.**

Preduzeca koja su upisana u sudski registar na dan stupanja na snagu ovog zakona duzna su oblik, firmu, osnovni kapital, Osnivački akt i statut uskladiti sa odredbama ovog zakona i podnijeti prijavu za upis u sudski registar promjena po tom osnovu najkasnije sest mjeseci od dana pocetka primjene ovog zakona.

#### **Član 383.**

Preduzeca koja se privatiziraju u skladu sa Zakonom o privatizaciji preduzeca ("Sluzbene novine Federacije BiH", broj 27/97), duzna su oblik, firmu, osnovni kapital i statut uskladiti sa odredbama ovog zakona najkasnije 60 dana od donosenja rjesenja iz Člana 38. Zakona o privatizaciji preduzeca o odobrenju upisa izvrsene privatizacije u registar.

#### **Član 384.**

Dionicka društva dužna su, uz prijavu za upis u sudski registar uskladjenog statusa u smislu odredaba čl. 382. i 383. ovog zakona, priložiti izvod iz Registra emitenata kod Komisije.

#### **Član 385.**

Registarski sud će po službenoj dužnosti donijeti i objaviti u "Službenim novinama Federacije BiH" odluku o prestanku preduzeća koje u roku iz čl. 382. i 383. ovog zakona ne podnese prijavu za upis u sudski registar uskladjivanja statusa sa odredbama ovog zakona. Na zahtjev povjerilaca, podnesen u pismenom obliku najkasnije 60 dana od dana objavljivanja odluke iz stava 1. ovog Člana, registarski sud će pokrenuti postupak likvidacije preduzeća u skladu s odredbama ovog zakona.

#### **Član 386.**

Danom početka primjene ovog zakona, prestaje da vazi Zakon o preduzećima ("Službene novine Federacije BiH", br. 2/95 i 8/96), izuzev čl. 157. i 158. koji će se primjenjivati do donosenja odgovarajućeg propisa, a najduže šest mjeseci, računajući od dana početka primjene ovog zakona.

#### **Član 387.**

Ovaj zakon stupa na snagu osmog dana od dana objavljivanja u "Službenim novinama Federacije BiH", a primjenjuje se nakon isteka 60 dana od dana stupanja na snagu ovog zakona. Izuzetno od stava 1. ovog Člana, ovaj zakon primjenjuje se danom stupanja na snagu na Registar vrijednosnih papira u Federaciji Bosne i Hercegovine, osnovan posebnim zakonom i na društva za upravljanje fondovima i investicijske fondove, uključujući privatizacijska društva i privatizacijske fondove, osnovane u skladu s posebnim zakonom.